



## O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 29» iyun № 267

Toshkent sh.

### **Ёшларни ҳарбий-ватанпарварлик руҳида тарбиялаш ишлари самарадорлигини ошириш чора-тадбирлари тўғрисида**

Ёшларни ҳарбий-ватанпарварлик руҳида тарбиялашга доир ишлар самарадорлигини янги босқичга олиб чиқиш, мазкур йўналишда давлат ва нодавлат ташкилотлари ҳамда фуқаролик жамиятининг бошқа институтлари фаоллигини янада ошириш, ёшлар онгига ватанпарварлик, мардлик туйғуларини сингдириш мақсадида Вазирлар Маҳкамаси қарор қилади:

#### 1. Қуйидагилар:

**2023-2027 йилларда ёшларни ҳарбий-ватанпарварлик руҳида тарбиялаш ишлари самарадорлигини ошириш концепцияси (кейинги ўринларда – Концепция) 1-иловага мувофиқ;**

**2023-2027 йилларда ёшларни ҳарбий-ватанпарварлик руҳида тарбиялаш ишлари самарадорлигини ошириш концепциясини амалга ошириш бўйича “йўл харитаси” (кейинги ўринларда – “йўл харитаси) 2-иловага мувофиқ тасдиқлансин.**

#### 2. Белгилаб қўйилсинки:

“йўл харитаси”да масъул ижрочи сифатида белгиланган вазирлик ва идораларнинг биринчи раҳбарлари тегишли топшириқларнинг ўз вақтида ва сифатли бажарилиши учун шахсан жавобгар ҳисобланади;

“йўл харитаси”нинг масъул ижрочилари тегишли чора-тадбирлар бўйича амалга оширилган ишлар тўғрисида Ўзбекистон Республикаси Мудофаа вазирлигига ҳар чорак якунида ҳисобот тақдим этади;

Ўзбекистон Республикаси Мудофаа вазирлиги Концепция ва “йўл харитаси” ижросини назорат қилиш учун масъул ҳисобланади, белгиланган топшириқларнинг масъул ижрочилар томонидан амалга оширилиши устидан мониторинг юритади, амалга оширилган ишлар тўғрисида Ўзбекистон Республикаси Президенти ҳузуридаги Хавфсизлик кенгашига ҳар чоракда умумлаштирилган ҳисобот тақдим этади;

масъул ижрочилар ҳар йили 20 январга қадар фаолиятининг ўзига хос хусусиятларини инобатга олган ҳолда, ёшларни ҳарбий-ватанпарварлик руҳида тарбиялаш бўйича “йўл хариталари”нинг ишлаб чиқилиши ва амалга оширилишини таъминлайди.

3. Ўзбекистон Республикаси Мактабгача ва мактаб таълими вазирлиги Мудофаа вазирлиги ҳамда Иқтисодиёт ва молия вазирлиги билан биргаликда уч ой муддатда умумтаълим мактабларида чақирувга қадар бошланғич тайёргарлик фани ўқитилишини янги босқичга олиб чиқиш бўйича 2023-2027 йилларга мўлжалланган чора-тадбирлар дастурини ишлаб чиқсин ва тасдиқласин.

4. Ўзбекистон миллий телерадиокомпанияси Ўзбекистон Миллий ахборот агентлиги ҳамда Ахборот ва оммавий коммуникациялар агентлиги билан биргаликда ёшларни ҳарбий-ватанпарварлик руҳида тарбиялаш бўйича ўтказиладиган тадбирлар оммавий ахборот воситалари, шу жумладан, Интернет жаҳон ахборот тармоғи орқали кенг ёритилишини таъминласин.

5. Ўзбекистон Республикаси Ҳукуматининг 3-иловага мувофиқ айрим қарорлари ўз кучини йўқотган деб ҳисоблансин.

6. Мазкур қарорнинг бажарилишини назорат қилиш Ўзбекистон Республикаси мудофаа вазири Б.Н. Курбанов ҳамда Ўзбекистон Республикаси ёшлар сиёсати ва спорт вазири А.И. Икрамов зиммасига юклансин.

**Ўзбекистон Республикасининг  
Бош вазири**



**А. Арипов**

Вазирлар Маҳкамасининг  
2023 йил “29” ИЮНдаги 267 - сон қарорига  
1-илова

## 2023-2027 йилларда ёшларни ҳарбий-ватанпарварлик руҳида тарбиялаш ишлари самарадорлигини ошириш КОНЦЕПЦИЯСИ

### 1-боб. Умумий қоидалар

1. Бугунги глобаллашув ва кескин рақобат даврида, дунёнинг турли бурчакларида, жумладан, минтақамизда юз бераётган қуролли можаролар ва қарама-қаршиликлар, янги таҳдид ва хатарлар олдимизга кечиктириб бўлмайдиган долзарб вазифаларни қўймоқда.

Айнан шундай шароитда мамлакатимиз ёшларини ватанпарварлик, шу жумладан, ҳарбий-ватанпарварлик, юксак маънавий-ахлоқий кадриятлар руҳида тарбиялаш, уларнинг онгига тинчлик ва тотувликни кўз қорачиғидек асраб-авайлаш зарурлигини чуқур сингдириш, **“Халқ ва армия – бир тану, бир жондир!”** деган эзгу ғоя асосида ёшлар тарбиясига масъул вазирлик ва идораларнинг куч ва имкониятларини бир ғоя, бир мақсад асосида бирлаштириш талаб этилмоқда.

2. 2023-2027 йилларда ёшларни ҳарбий-ватанпарварлик руҳида тарбиялаш концепцияси (кейинги ўринларда – Концепция) Ўзбекистон Республикасининг Конституцияси, Ўзбекистон Республикасининг “Ёшларга оид давлат сиёсати тўғрисида”ги Қонуни, Ўзбекистон Республикаси Президентининг фармон ва қарорлари, Ўзбекистон Республикаси Ҳукумати қарорлари асосида ишлаб чиқилган ҳамда соҳага оид дастурлар ва комплекс чора-тадбирларни ишлаб чиқиш учун асос бўлади.

3. Ҳар қандай оғир ва мураккаб вазиятда Ватанимизни кўз қорачиғидек асраш, унинг шуҳратини дунёга тараннум этиш билан боғлиқ энг муҳим тушунчаларни, ҳаётий ва профессионал кўникмаларни илм-маърифат, шунингдек, миллий кадриятлар асосида ёшларнинг қалби ва онгига илк болалик давридан бошлаб сингдириб бориш орқали ватанпарвар, садоқатли ҳамда шижоатли ёшларни камол топтириш Концепциянинг асосий моҳиятини ташкил этади.

4. Ёшларни ҳарбий-ватанпарварлик руҳида тарбиялаш **“Ватан – улуғ, бурч – муқаддас!”** концептуал ғоя остида ташкил этилиб, унда ёшларни ватанпарварлик руҳида тарбиялаш, ҳар томонлама ривожлантириш, қатъий фикр ва эътиқодга эга шахсни шакллантириш асосий вазифа этиб белгиланади.

Мазкур ғоянинг асосий мазмун ва моҳияти ўсиб келаётган авлодда буюк тарихимиз, азалий қадриятларимизга ҳурмат ва эҳтиром билан муносабатда бўлиш, миллий руҳ ва ғурурни юксалтириш, бебаҳо бойлик – тинчлик ва осойишталикни асраш ва ҳимоя қилиш зарурлиги каби фазилатларни шакллантириш, зарурат бўлганда, мамлакат суверенитетини ҳимоя қилишга тайёр туриш руҳида тарбиялашдан иборат.

## **2-боб. Концепциянинг мақсади ва асосий вазифалари**

5. Ёшларни ҳарбий-ватанпарварлик руҳида тарбиялашнинг мақсади ёшларда жамиятнинг турли тармоқлари, айниқса, ҳарбий соҳа билан боғлиқ бўлган давлат хизмати турларида фаоллик кўрсатиш, Конституция ва ҳарбий бурчга садоқатли бўлиш, уларда ўз юрти ва халқининг тақдири учун юксак масъулият ҳамда жавобгарлик каби муҳим хусусиятларни мустаҳкамлашдан иборат.

6. Қуйидагилар ёшларни ҳарбий-ватанпарварлик руҳида тарбиялашнинг асосий вазифалари ҳисобланади:

ёшларнинг ҳарбий-ватанпарварлик туйғулари, маънавий сифатлари ва интеллектуал салоҳиятини ривожлантиришга қаратилган тарбиянинг ягона тизимини яратиш;

ёшларни миллий ғоя ва Ватанга садоқат руҳида тарбиялаш, уларнинг онгу-шуурига Ватан ҳимояси шарафли ва муқаддас бурч эканлигини чуқур сингдириш;

буюк тарихимиз, улуғ аجدодларимизнинг бой маънавий мероси, Жалололдин Мангуберди, Амир Темур, Захириддин Муҳаммад Бобур каби саркардаларнинг жаҳон цивилизацияси ҳамда ҳарбий санъат ривожига қўшган ҳиссаларини ёшлар ўртасида кенг тарғиб этиш;

Ватан озодлиги ва мустақиллиги йўлида жон фидо қилган юртдошларимиз кўрсатган ватанпарварлик ва қаҳрамонлик, улардаги садоқат, фидойилик, матонат ҳамда жасорат каби хислатларни, шунингдек, юрт, оила, ота-она ва фарзандлар ҳимояси халқ ва аجدодлар хотираси олдида муқаддас бурч эканини ёшлар онгига сингдириш;

ёшларда ён-атрофимиз ва жаҳонда рўй бераётган сиёсий-ижтимоий жараёнларга миллий манфаатларимиздан келиб чиққан ҳолда ёндашиш кўникмаларини, оммавий ахборот воситалари, шу жумладан, Интернет жаҳон ахборот тармоғи орқали тарқатилаётган ғаразли ахборотлар, одоб-ахлоқни емирувчи иллатлар, ёшларни залолатга бошловчи бузғунчи ғояларга қарши соғлом дунёқарашни шакллантириш;

ҳудудларда туркум ҳарбий-ватанпарварлик тадбирлари ҳамда “Жасорат мактаби” номли ҳарбий-ватанпарварлик ўқув йиғинларини ўтказиш орқали ёшлар онгида миллий армиямизга бўлган ишонч ва ҳурматни янада ошириш, ҳарбий хизматни ўташ Ўзбекистон фуқаросининг муқаддас бурчи эканлиги ҳақидаги тушунчаларни мустаҳкамлаш;

умумтаълим мактабларида чақирувга қадар бошланғич тайёргарлик фани ўқитилишининг сифатини ошириш, ўқув-моддий базани мустаҳкамлашга асосий эътибор қаратиш ҳамда шу орқали ўқувчи ёшларда ҳарбий хизмат, уни ўташнинг ҳуқуқий асосларига оид билимлар ва бошланғич ҳарбий тайёргарлик даражасини ошириш;

Ўзбекистон манфаатларини нафақат ҳарбий соҳада, балки ҳаётнинг барча жабҳаларида ҳимоя қилишга тайёр туриш, юрт учун фидойи бўлиш – бу бугунги кун талаби эканини ҳаётий мисоллар ва таъсирчан воситалар орқали ёшлар оммасига кенг етказиш;

ёшларда аждодларимиз ва ота-боболаримизнинг Ватанни ҳимоя қилишга оид анъана ва қадриятларига садоқатли бўлиш хусусиятларини шакллантириш;

Ватанни ҳимоя қилиш, уни асраш тўғрисидаги замонавий тушунчаларни, дунёқарашни, мазкур масала бўйича шахсий эътиқодни шакллантириш ва мустаҳкамлаб бориш, ёшларни ҳарбий хизматга тайёрлаш, уларнинг маънавий-руҳий тайёргарликларини оширишга ёрдам берувчи таълим-тарбиявий тадбирларни ташкил этиш.

### **3-боб. Ёшларни ҳарбий-ватанпарварлик руҳида тарбиялаш тизими ва унинг асосий принциплари**

7. Ёшларни ҳарбий-ватанпарварлик руҳида тарбиялаш – бу миллати, тили ва касбидан қатъи назар, ёшларда Ватанга садоқат туйғусини шакллантириш, уларни ўз фуқаролик бурчи ва конституцион мажбуриятларини бажаришга, жамият ва давлат манфаатларини ҳимоя қилишга қодир шахслар этиб тарбиялашга йўналтирилган давлат органлари, жамоат бирлашмалари ва бошқа ташкилотларнинг кўп босқичли, тизимли, мақсадли ва мувофиқлаштирилган фаолиятидир.

8. Ёшларни ҳарбий-ватанпарварлик руҳида тарбиялаш тизими узлуксиз жараён бўлиб, у бир-бирига боғлиқ сиёсий-ҳуқуқий, ижтимоий-иқтисодий, ғоявий-мафкуравий, маданий-маърифий тадбирлар мажмуасидан иборат.

9. Ёшларни ҳарбий-ватанпарварлик руҳида тарбиялаш ишлари Ўзбекистон Республикасининг Конституцияси ва қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармон ва қарорлари, Вазирлар Маҳкамасининг қарорлари, Ўзбекистон Республикаси Қуролли Кучларининг (кейинги ўринларда – Қуролли Кучлар) умумҳарбий низомлари ҳамда бошқа қонунчилик ҳужжатларига мувофиқ амалга оширилади.

10. Ёшларни ҳарбий-ватанпарварлик руҳида тарбиялаш тизими қуйидагилардан иборат:

таълим-тарбия жараёнида ижтимоий-маънавий аҳамиятга молик қадриятларни, Ватанга муҳаббат ва садоқат руҳини шакллантириш ва ривожлантиришга қаратилган ишларни амалга оширадиган мактабгача таълим, умумий ўрта таълим, касб-хунар таълими ва олий таълим муассасалари;

оммавий ва ҳарбий-ватанпарварлик ишларини амалга оширадиган давлат ва нодавлат нотижорат ташкилотлари, шунингдек, бошқа ташкилотлар.

11. Қуйидагилар ёшларни ҳарбий-ватанпарварлик руҳида тарбиялашнинг **асосий принциплари** ҳисобланади:

илмийлик;

тарихийлик;

аниқлик ва тезкорлик;

мунтазамлилик;

фаоллик;

таълим ва тарбия ишларининг уйғунлиги;

тарбия жараёнининг изчиллиги;

ҳарбий-ватанпарварлик руҳида тарбиялаш соҳасида эришилган ижобий натижа ва ютуқларга таяниш.

#### **4-боб. Ёшларни ҳарбий-ватанпарварлик руҳида тарбиялашнинг объектлари ва субъектлари, усул ва шакллари**

12. Қуролли Кучлар таркибига кирувчи вазирлик ва идоралар, Олий таълим, фан ва инновациялар, Мактабгача ва мактаб таълими, Маданият ва туризм, Ёшлар сиёсати ва спорт, Камбағалликни қисқартиш ва бандлик вазирликлари, Оила ва хотин-қизлар кўмитаси, Республика Маънавият ва маърифат маркази, Ёзувчилар уюшмаси, Республика “Нуроний” жамғармаси, Ўзбекистон ёшлар иттифоқи, Ўзбекистон мудофаасига кўмаклашувчи “Ватанпарвар” ташкилоти, ҳарбий-маъмурий секторлар ёшларни ҳарбий-ватанпарварлик руҳида тарбиялаш ишларининг **асосий субъектлари** ҳисобланади.

13. Мактабгача таълим ташкилотлари тарбияланувчилари, таълим муассасалари ўқувчи ва талаба ёшлари, маҳаллалардаги уюшмаган, профилактик ҳисобда турувчи ҳамда тарбияси оғир ёшлар, Меҳрибонлик уйлари тарбияланувчилари, Қуролли Кучлар сафида хизмат ўтаётган ёш ҳарбий хизматчилар (ходимлар) ҳарбий-ватанпарварлик руҳида тарбиялаш ишларининг **асосий объектлари** ҳисобланади.

14. Ёшларни ҳарбий-ватанпарварлик руҳида тарбиялаш усуллари ёшларда зарур ҳаётий билим, кўникма, маҳорат ва мустақкам иродани, юксак маънавий-ахлоқий фазилатларни шакллантиришга қаратилган, уларнинг онги, руҳияти ва фаолиятига таъсир кўрсатадиган омиллардан иборат.

Қуйидагилар ёшларни ҳарбий-ватанпарварлик руҳида тарбиялашнинг **усуллари** ҳисобланади:

ишонтириш;

масқ қилдириш ва мустақил ишлаш;

кузатиш;

рағбатлантириш;

ўрناق кўрсатиш ва шахсий намуна.

15. Ёшларни ҳарбий-ватанпарварлик руҳида тарбиялаш турли шаклларда, жумладан, илмий-амалий анжуманлар, савол-жавоб кечалари, китобхонлик, ўйинлар, машҳур кишилар билан учрашувлар тарзида ва бошқа шаклларда ташкил этилади. Улар маънавий-маърифий ишларнинг ранг-баранглигини таъминлайди, пировард натижада жамиятда соғлом ижтимоий-маънавий муҳитни шакллантиришга хизмат қилади.

Бунда қуйидаги шакллар устувор аҳамиятга эга бўлади:

маъруза ўқиш, савол-жавоб кечалари, якка ва жамоавий суҳбатлар;

бой ҳаётий тажрибага эга бўлган ҳарбий хизматчи ва фахрийлар, илм-фан, маданият ва спорт соҳаларида, турли мусобақа ва танловларда ғолиб бўлган шахслар билан учрашувлар;

илмий-назарий ва амалий конференциялар, семинар-тренинглар, муайян мавзуга бағишланган кечалар, баҳс-мунозаралар, викториналар, давра суҳбатлари;

тўпланган илғор тажрибаларни ўрганиш ва оммалаштириш;

жамоатчилик фикри ва ҳарбий жамоалардаги маънавий-руҳий муҳитни ўрганиш;

телекўрсатув ва радиоэшиттиришлар, фильм ва мультфильмлар, бадий ва мусиқий асарлар, аскар кўшиқлари, оммавий ахборот воситалари, веб-сайтлар ва электрон ўйинлар ва бошқа техник воситалардан фойдаланиш;

уруш ва меҳнат фахрийлари, жанговар ҳаракатлар қатнашчилари, давлат ва нодавлат нотижорат ташкилотлари вакиллари билан учрашувлар ташкил этиш;

ҳарбий хизматга чақирилувчилар куни, мардлик сабоқларини ўтказиш ва экскурсиялар уюштириш.

### **5-боб. Концепцияни амалга оширишнинг босқичлари**

16. Концепцияда белгиланган тадбирлар қуйидаги беш босқичда амалга оширилади:

а) **биринчи босқич** (3 – 7 ёш) – шу ёшдаги болаларга хос хусусиятлар, жумладан, илк ўз туйғуларини, хатти-ҳаракатини бошқариш кўникмалари, шахсий фазилатлари асослари, ижтимоий мотивлар ва миллий анъаналарга қизиқишларининг пайдо бўлиши, ўзини намоён этиш ҳамда муваффақиятга эришиш каби эҳтиёжларини инобатга олиб, мактабгача таълим ташкилотларида ўтказилади.

Мазкур босқичда болалар билан миллий ғурур, меҳнатсеварлик, Ватанга муҳаббат ва уни ҳимоя қилиш, давлат рамзлари, буюк аждодларимиз, тарихий обидаларимизга ҳурмат, ўзаро ёрдам, меҳрибонлик каби олижаноб фазилатларни шакллантиришга қаратилган шеър, эртак, куй ва кўшиқларни, спорт ва миллий ўйинларни ўргатиш, театрлаштирилган саҳна томошаларини намойиш этишни ўзида мужассам этган тадбирлар ўтказилади;

**б) иккинчи босқич (7 – 10 ёш) –** тадбирлар умумтаълим ва ихтисослаштирилган таълим ташкилотларининг кичик синфларида, шунингдек, ушбу тоифадаги ёшларнинг ёш хусусиятларини инобатга олган ҳолда маҳаллаларда ўтказилади.

Ушбу босқичда фахрланиш ҳамда Ватан ва давлат рамзларига муҳаббат, ёши катталарга ҳурмат ва иззат билан муносабатда бўлиш ҳамда миллий одат ва анъаналарни қадрлаш туйғуларини сингдириш, Ўзбекистон Республикасига дахлдорликдан фахрланиш ҳиссини ривожлантириш бўйича комплекс тадбирлар ўтказилади;

**в) учинчи босқич (11 – 17 ёш) –** тадбирлар умумтаълим ва ихтисослаштирилган таълим ташкилотларининг катта синфларида, шунингдек, ушбу тоифадаги ёшларнинг ёш хусусиятларини инобатга олган ҳолда маҳаллаларда ўтказилади.

Ушбу босқичда асосий эътибор ёшларда ҳарбий хизматга бўлган қизиқишни, Қуролли Кучларимиз билан фахрланиш туйғусини ошириш, жисмоний қобилиятларни ривожлантириш, уларни жисмонан соғлом, маънан етук, кенг дунёқарашли, мустақил фикр юритадиган баркамол инсон сифатида тарбиялаш, шунингдек, ёшларни “Ватан таянчи” болалар-ўсмирлар ҳарбий-ватанпарварлик ҳаракати фаолиятига кенг жалб этишга қаратилади;

**г) тўртинчи босқич (18 – 21 ёш) –** олий таълим муассасаларининг талабалари, уюлмаган ёшлар, муддатли ҳарбий хизматчилар, контракт бўйича ҳарбий хизматга янги чақирилган ҳарбий хизматчилар, олий ҳарбий таълим муассасаларининг курсантлари, шунингдек, меҳнат жамоаларида фаолият олиб бораётган ёшларни қамраб олади.

Ушбу босқичда асосий эътибор ёшларнинг жисмоний ва маънавий қобилияти, етакчилик кўникмалари ва интеллектуал салоҳияти, умумий ва профессионал малакасини ошириш, уларни ўз устида мунтазам ишлаш, соғлом ҳаёт кечиришга ундаш ва шунга эришишга қаратилади.

Муддатли ҳарбий хизматчилар, контракт бўйича ҳарбий хизматга янги чақирилган оддий аскарлар ҳамда олий ҳарбий таълим муассасалари курсантлари иштирокидаги тадбирлар Қуролли Кучлар таркибига кирувчи вазирликлар ва идораларнинг режа ва дастурлари асосида амалга оширилади;



д) **бешинчи босқич** (22 – 30 ёш) – тадбирлар маҳаллалардаги уюшмаган ёшлар, меҳнат жамоаларида фаолият олиб бораётган ёшлар, шунингдек, шартнома бўйича ёш оддий аскарлар, сержантлар ва офицерлар таркибини қамраб олади.

Яқуний босқичда асосий эътибор юқори даражадаги ижтимоий фаоллик, фуқаролик масъулияти, маънавиятни оширишга, ижобий қадрият ва хислатларга эга ҳамда уларни мамлакат манфаатлари, давлатни мустақамлаш, унинг ҳаётий муҳим эҳтиёжлари ва барқарор ривожланишини таъминлаш йўлидаги яратувчанлик жараёнида намоён эта оладиган фуқароларни шакллантиришга қаратилади.

Ёш ҳарбий хизматчилар билан тадбирлар Қуролли Кучлар таркибига кирувчи вазирлик ва идораларнинг режа ва дастурлари асосида амалга оширилади.

### **6-боб. Концепцияни амалга оширишнинг асосий йўналишлари ва ижрочиларнинг вазифалари**

17. Концепцияда белгиланган вазифалар ижроси, уни амалга ошириш самарадорлиги Ўзбекистон Республикаси Мудофаа вазирлиги томонидан доимий равишда мониторинг қилиб борилади ҳамда ушбу йўналишда Қуролли Кучлар таркибига кирувчи вазирлик ва идоралар, ёшлар тарбиясига алоқадор бўлган давлат ва жамоат, нодавлат ноижорат ташкилотлари, ҳарбий-маъмурий секторлар фаолияти мувофиқлаштириб борилади.

18. Концепцияни амалга оширишнинг асосий йўналишлари қуйидагилардан иборат:

**а) ёшларни ҳарбий-ватанпарварлик руҳида тарбиялаш бўйича тадбирлар:**

буюк саркардаларимизнинг жасорати, улуғ аجدодларимизнинг бой маънавий мероси, яқин ва узоқ ўтмишда халқимиз кўрсатган матонат ва фидойилик, янги Ўзбекистонимиз ва миллий армиямиздаги изчил ислохотларни ёшларнинг кенг қатламларига етказиш мақсадида маҳаллаларда маънавий-маърифий тайёргарлик машғулоти;

давлат байрамлари арафасида ёшларда жасурлик, мардлик, фахр ва ифтихор туйғуларини оширишга йўналтирилган “Мардлик ва жасорат”, “Тинчлик”, “Мустақиллик” дарслари;

“Жиззах тажрибаси” асосида ҳарбий қисмлар базасида ёшлар учун ўқув йиғинлари;

“Мард аскар – ёшларга намуна” шиори остида ҳарбий техника ва қурол-аслаҳалар намоёйиши, ҳарбий хизматчиларнинг қўл жанги бўйича, ҳарбий оркестр ва бадий ҳаваскорлик жамоаларининг кўرғазмали чиқишлари, шунингдек, Ўзбекистон мудофаасига кўмаклашувчи “Ватанпарвар” ташкилотининг ўқув курслари ҳамда спорт секция ва тўғараklarининг кўрғазмали намоёйишлари;

ёшларда ватанпарварлик, юрт тинчлиги ва тараққиётига дахлдорлик туйғуларини юксалтириш мақсадида “Ватан муқаддас, уни ҳимоя қилиш шарафли бурчдир!” шиори остида учрашув ва суҳбатлар;

ёзги дам олиш оромгоҳларида “Ватанпарвар” карвонларини ва ўқувчи ёшлар билан “Мен албатта ҳарбий бўламан!” машғулоти;

умумтаълим мактабларининг 10-11 синф ўқувчилари ва маҳаллалардаги уюшмаган ёшлар ўртасида ўтказиладиган ҳудудлар кесимидаги ҳарбий-спорт мусобақалари;

#### **б) ёшларни маънавий тарбиялаш бўйича тадбирлар:**

ёшларнинг кенг қатламларини жалб этган ҳолда жамиятга ёт бўлган ғоялар, ахлоқий бузуқлик ва салбий иллатларга қарши иммунитетни мустаҳкамлаш мақсадида “Ҳар бир ёшнинг қалби ва онги учун курашамиз!” шиори остидаги маънавий фестиваллари;

ёшларнинг маънавий саводхонлигини ошириш ҳамда мафкуравий иммунитетини мустаҳкамлаш мақсадида ўтказиладиган маънавий соатлари;

ёшларда ватанпарварлик (ҳарбий-ватанпарварлик) ҳиссини ошириш мақсадида маҳаллаларда бадий ва ҳужжатли фильмларнинг намойиши ва муҳокамаси;

туман (шаҳар)лар ва чегараолди ҳудудларда, истироҳат боғларида ёшлар учун ҳарбий оркестр ва ансамбль жамоалари, бадий ҳаваскорлик жамоалари иштирокида ёшлар учун маънавий карвонлари;

ёшлар, Қуролли Кучлар фахрийлари ва ҳарбий хизматчилар иштирокида “Уч авлод учрашуви”, “Эъзоз ва эҳтиром” маънавий-маърифий тадбирлар;

#### **в) ёшларни ахлоқий тарбиялаш ва уларни спортга жалб этиш бўйича тадбирлар:**

ёшларни ёт, радикал ғоялар таъсиридан ҳимоя қилиш, уларда мафкуравий иммунитетни мустаҳкамлаш мақсадида тегишли мутахассисларни жалб қилган ҳолда “Жаҳолатга қарши маърифат” ғояси остидаги давра суҳбатлари ва учрашувлар;

ҳарбий қисмлардаги ёшлар учун “Қувноқлар ва зукколар” танлови ҳамда бадий ҳаваскорлик жамоаларининг концерт дастурлари ва сахна чиқишлари;

ёшлар маънавиятини юксалтириш ва уларнинг бўш вақтини мазмунли ташкил этиш бўйича “5 та муҳим ташаббус” доирасидаги тадбирлар;

ёшларнинг “Ғалаба боғи” ёдгорлик мажмуаси, “Шон-шараф” давлат музейи, Қуролли Кучлар Давлат музейи ҳамда вилоятларда, ҳарбий округ, ҳарбий қисм ва муассасаларда фаолият юритаётган музейлар, “Ватанпарварлар” боғларига ташрифлари;

ёшлар ўртасида Куролли Кучлар таркибига кирувчи вазирлик ва идоралар ва ҳарбий-маъмурий секторлар раҳбарларининг соврини учун спорт мусобақалари;

миллий мерос ва қадриятларимиз, урф-одатларимизни ёшлар ўртасида кенг тарғиб этиш мақсадида миллий ўйинлар (арқон тортиш, миллий кураш, тош кўтариш, елкада кураш ва бошқалар) бўйича мусобақалар;

**г) ёшлар ўртасида жиноятчилик ва ҳуқуқбузарликларнинг олдини олиш, уларнинг ҳуқуқий маданиятини ва ҳуқуқий саводхонлигини ошириш бўйича профилактик тадбирлар:**

ёшлар ва тегишли мутахассисларни жалб этган ҳолда ўтказиладиган “Биз гиёҳвандликка қаршимиз!” умумий шиори остидаги профилактика тадбирлари;

ҳуқуқни муҳофаза қилувчи органлар ходимлари иштирокида ёшлар билан “Одам савдоси – давр муаммоси” мавзусида давра суҳбатлари;

тегишли идора ва ташкилотлар ходимларини таклиф этган ҳолда ёшлар иштирокида “Коррупция – тараққиёт кушандаси” мавзусида коррупциянинг олдини олишга қаратилган тадбирлар;

ёшлар ўртасида соғлом турмуш тарзини тарғиб қилиш мақсадида тегишли вазирлик ва идоралар билан “Соғлом ҳаёт учун!” шиори остида узоқ масофаларга юриш ва югуриш марафонларини ташкил этиш ва бошқалар.

19. Жамиятнинг фикрига таъсир кўрсатадиган тез ўзгарувчан ижтимоий жараёнларни эътиборга олиб, тегишли вазирлик ва идоралар томонидан доимий равишда ёшлар ўртасида ижтимоий сўровлар ўтказилиб, уларнинг натижалари бўйича ёшларни ҳарбий-ватанпарварлик руҳида тарбиялаш тадбирларини режалаштиришга тегишли ўзгартиришлар киритилади.

20. Концепцияда белгиланган вазифаларни самарали амалга ошириш мақсадида вазирлик ва идоралар томонидан қуйидаги асосий вазифалар амалга оширилади:

**Ўзбекистон Республикаси Мудофаа вазирлиги, Ички ишлар вазирлиги, Фавқулодда вазиятлар вазирлиги, Давлат хавфсизлик хизмати, Миллий гвардия – ёшлар сиёсатига доир давлат дастурларини амалга ошириш доирасида ёшлар билан ҳарбий-ватанпарварлик, маданий-ҳордик, маънавий-маърифий ва оммавий-спорт тадбирларини, шунингдек, ҳуқуқбузарликлар профилактикаси қаратилган тарғибот-ташвиқот, ҳуқуқий маданият ва ҳуқуқий онгни оширишга қаратилган тадбирларни ташкил этиш ва ўтказиш;**

**Ўзбекистон Республикаси Олий таълим, фан ва инновациялар вазирлиги – олий таълим муассасаларида ҳарбий-ватанпарварлик тадбирлари самарали ўтказилишини ҳамда ушбу тадбирларда барча талабаларнинг тўлиқ камраб олиншини таъминлаш;**

**Ўзбекистон Республикаси Мактабгача ва мактаб таълими вазирлиги** – мактабгача таълим ташкилотлари тарбияланувчилари, умумтаълим мактаблари ва ихтисослаштирилган таълим ташкилотлари ўқувчиларининг ёшини инобатга олган ҳолда, ҳарбий-ватанпарварлик тадбирлари ташкил этилиши ва самарали ўтказилишини ҳамда ушбу тадбирларда барча тарбияланувчи ва ўқувчиларнинг тўлиқ камраб олинишини таъминлаш;

**Ўзбекистон Республикаси Маданият ва туризм вазирлиги** – буюк аجدодлар ва алломалар ҳаёти ва фаолияти, миллий ғурур ва ҳарбий-ватанпарварлик туйғуларини шакллантиришга қаратилган спектакллар, сахна кўринишлари, жанговар мусиқа асарларини яратиш, ёшлар учун маданий-кўнгилочар тадбирларни ўтказиш, тарихий қадамжоларга экскурсияларни уюштириш;

**Ўзбекистон Республикаси Ёшлар сиёсати ва спорт вазирлиги** – Қуролли Кучлар таркибига кирувчи вазирлик ва идоралар томонидан ёшларни ҳар томонлама қўллаб-қувватлаш, улар билан ўтказиладиган маънавий-маърифий, ҳарбий-ватанпарварлик, маданий-ҳордиқ, оммавий спорт тадбирларини ташкил этиш ва ўтказилишида ҳар томонлама ёрдам кўрсатиш ҳамда ёшларни Ватанга садоқат, миллий ва умуминсоний қадриятларга ҳурмат руҳида тарбиялаш, улар ўртасида соғлом турмуш тарзига риоя этиш, бўш вақтини мазмунли ташкил этишга қаратилган чора-тадбирларни амалга ошириш;

**Ўзбекистон Республикаси Камбағалликни қисқартириш ва бандлик вазирлиги** – ёшларни касбга тайёрлаш (ўқитиш), бандлигига кўмаклашиш, шу жумладан, Қуролли Кучлар сафида муддатли ҳарбий хизматни ўтаган ёшларнинг бандлигини таъминлаш борасида мақсадли комплекс чора-тадбирларни амалга ошириш;

**Ўзбекистон Республикаси Дин ишлари бўйича қўмитаси** – ислом динининг асл мазмун-моҳиятини етказиш, диний бағрикенглик ғояларини тарғиб қилиш ҳамда ёт, радикал ғояларга қарши танқидий қараш ва мафкуравий иммунитетни кучайтиришга қаратилган учрашувлар ўтказиш;

**Ўзбекистон Республикаси Оила ва хотин-қизлар қўмитаси** – ёшларни оилавий ҳаётга тайёрлаш, улар ўртасида оилавий қадриятларни мустаҳкамлашга қаратилган ахлоқий меъёрларни кенг тарғиб этиш, оилаларда соғлом маънавий-ахлоқий муҳитни таъминлаш бўйича мақсадли чора-тадбирларни амалга ошириш;

**Ҳарбий-маъмурий секторлар** – ҳудудларнинг ўзига хос хусусиятларини инобатга олган ҳолда, ёшларни ҳарбий-ватанпарварлик руҳида тарбиялаш борасида комплекс тадбирларни ташкил этиш ҳамда самарали ўтказиш мақсадида жойлардаги ўз ўзини бошқариш органлари фаолиятини мувофиқлаштириш.

21. Концепцияда белгиланган вазифаларни самарали амалга ошириш мақсадида нодавлат нотижорат ташкилотлари томонидан қуйидаги асосий вазифалар амалга оширилади:

**Ўзбекистон ёшлар иттифоқи** – ҳарбий қисм ва муассасалардаги Ўзбекистон ёшлар иттифоқи бошланғич ташкилотларининг самарали фаолиятини таъминлаш, ташаббускор, шиддатли, мустақил фикрлайдиган, қатъий ҳаётий позиция, кенг дунёқараш ва чуқур билимларга эга, бутун куч, билим ва салоҳиятини халқ манфаати йўлида ишлатишга, мамлакат келажаги учун жавобгарликни зиммасига олишга қодир ёшларнинг сафини кенгайтиришга кўмаклашиш;

**Республика Маънавият ва маърифат маркази** – ёшларимиз онгига салбий таъсир кўрсатиб, уларни ғоявий жиҳатдан қарам қилишга қаратилган ҳаракатларга қарши самарали кураш олиб бориш ҳамда иродали, фидойи, ватанпарвар, мустақил фикрловчи ёш авлодни тарбиялаш бўйича амалий чора-тадбирлар дастурларини ишлаб чиқиш ва амалга оширишга кўмаклашиш;

**Ўзбекистон Ёзувчилар уюшмаси** – ёшларга мумтоз ва замонавий адабиётимиз мазмун-моҳиятини тушунтириш, китобхонлик маданиятини ошириш ҳамда ватанпарварлик, мардлик, фахр ва ифтихор туйғуларини мустаҳкамлашга қаратилган ижодий учрашувлар ўтказиш, ватанпарварликка оид тўпламлар яратиш ва уларни кенг тарғиб қилиш;

**Ўзбекистон мудофаасига кўмаклашувчи “Ватанпарвар” ташкилоти** – ёшларни меҳнатга ва Ватанни ҳимоя қилишга тайёрлаш, ёшларни баркамол шахс бўлиб вояга етказишда тегишли давлат ва жамоат ташкилотларига ёрдам кўрсатиш, уларни ҳарбий-ватанпарварлик руҳида тарбиялаш, касбга ўқитиш ва спортга бўлган қизиқишини қўллаб-қувватлаш, ёшлар ўртасида спортнинг техник ва амалий турларини кенг оммалаштиришга амалий ёрдам кўрсатиш;

**Ўзбекистон фахрийларининг ижтимоий фаолиятини қўллаб-қувватлаш “Нуроний” жамғармаси** – ёшлар, биринчи навбатда, тарбияси оғир ва муаммоли ёшларни тарбиялашда “Бир нуроний ўн ёшга масъул” тамойили асосида кексалар ва фахрийларнинг фаоллигини ошириш ҳамда уларнинг билими, бой ҳаётий тажрибасидан ёшлар маънавиятини юксалтириш, уларда ватанпарварлик руҳини мустаҳкамлашда самарали фойдаланиш, ёшларни жамият учун фойдали инсонлар бўлиб етиштишларига кўмаклашиш.

#### **7-боб. Ёшларни ҳарбий-ватанпарварлик руҳида тарбиялаш ишлари таҳлили ва кутилаётган натижа**

22. Мазкур Концепция “Ватан – улуғ, бурч – муқаддас!” ғояси асосида ёшларни ҳарбий-ватанпарварлик руҳида тарбиялаш борасида амалга оширилаётган ишларни мазмунан янги босқичга кўтаришда муҳим роль ўйнайди.

Жумладан:

ҳарбий хизмат нуфузи ҳамда миллий Қуролли Кучларимиз билан фахрланиш ва уларнинг салоҳиятига ишонч ҳиссини шакллантириш, ёшларнинг ҳарбий касбни танлашга бўлган қизиқишини ошириш имконини беради;

ёшларда ижтимоий аҳамиятга эга фуқаролик туйғусини шакллантириш, етуклик, Ватанга муҳаббат ва бурч, миллий анъаналарга содиқлик, тарихий ва маданий қадриятларни сақлашга интилиш каби фазилатларни ривожлантиришга хизмат қилади;

ҳар томонлама ривожланган, содиқ, ватанпарвар, одил, мард ва жасур ёшларнинг тайёрланиши таъминланади;

ёшларда радикал ғояларга қарши тура оладиган мафкуравий иммунитет шаклланади ва мустаҳкамланади;

маънавий-ахлоқий муҳит ва анъанавий оилавий қадриятларни мустаҳкамлаш негизида мустаҳкам оила қуриш фазилатлари ривожланади.

Вазирлар Маҳкамасининг  
2023 йил “29” ИЮН даги 267 - сон қарорига  
2-илова

**2023-2027 йилларда ёшларни ҳарбий-ватанпарварлик руҳида тарбиялаш ишлари самарадорлигини ошириш  
концепциясини амалга ошириш бўйича  
“ЙЎЛ ХАРИТАСИ”**

Т/р	Чора-тадбир номи	Амалга ошириш механизми	Бажариш муддати	Масъул ижрочилар
<b>I. Концепциянинг мақсади ва асосий вазифаларига эришиш бўйича ташкилий тадбирлар</b>				
1.	Тегишли вазирлик, идора ва ташкилотлар мансабдор шахсларига Концепциянинг мазмун-моҳияти, мақсад ва вазифаларини етказиш, унинг ижросини таъминлаш бўйича зарур чора-тадбирларни амалга ошириш.	1. Вазирликлар ва идораларда Концепцияда белгиланган чора-тадбирлар ижросини ташкил этиш бўйича йиғилишлар ўтказиш ва масъул шахсларга вазифаларни белгилаш. 2. Худудларда Концепциянинг моҳиятини етказишга бағишланган ўқув семинарларини ташкил этиш. 3. Концепциянинг ижроси бўйича тизимли мониторинг олиб бориш.	2023 йил июль  режа асосида мунтазам равишда	Мудофаа вазирлиги, Мактабгача ва мактаб таълими вазирлиги, Ёшлар ишлари агентлиги, манфаатдор вазирлик ва идоралар, ҳарбий-маъмурий секторлар раҳбарлари
2.	Қорақалпоғистон Республикаси, Тошкент шаҳри ва вилоятларда ёшларни ҳарбий-ватанпарварлик руҳида тарбиялаш масалалари ҳамда Концепция ижросини таъминлаш юзасидан ҳарбий-маъмурий сектор аъзолари билан кенгайтирилган йиғилишларни ўтказиш.	1. Худудларнинг ўз хос хусусиятларини инобатга олган ҳолда, ёшларни ҳарбий-ватанпарварлик руҳида тарбиялашни ташкил этиш бўйича “йўл хариталари”ни ишлаб чиқиш, қабул қилиш ва ҳарбий-маъмурий сектор йиғилишида кўриб чиқиш. 2. Қабул қилинган “йўл хариталари”да белгиланган вазифалар ижроси бўйича ҳисоботларни ҳамда ушбу йўналиш фаолиятини такомиллаштириш бўйича таклифларни тайёрлаш ва Мудофаа вазирлигига тақдим қилиш.	ҳар йил январь ойида  ҳар чоракда	Ҳарбий-маъмурий секторлар раҳбарлари

Т/р	Чора-тадбир номи	Амалга ошириш механизми	Бажариш муддати	Масъул ижрочилар
3.	Маҳаллаларда ёшларни ҳарбий-ватанпарварлик руҳида тарбиялаш ишларини мувофиқлаштириш ва мониторингини юритиш ишларини самарали ташкил этиш.	<p>1. Ёшлар сиёсати ва спорт вазирлигининг ҳудудий бошқармалари негизида ёшларни ҳарбий-ватанпарварлик руҳида тарбиялаш ишларини мувофиқлаштириш ва мониторингини юритиш бўйича штаблар фаолиятини йўлга қўйиш.</p> <p>2. Штаб йиғилишларида иштирок этиш ҳамда масъул шахслар ҳисоботларини эшитиб бориш.</p> <p>3. Дастур ижроси юзасидан ҳудуд кесимида таҳлилий ҳисоботларни тайёрлаш ва Мудофаа вазирлигига киритиш.</p>	<p>2023 йил июль</p> <p>доимий равишда ҳар чоракда</p>	<p>Ҳарбий-маъмурий секторлар раҳбарлари</p>
4.	Ҳарбий қисм ва муассасаларнинг маҳаллаларда тарғибот тадбирларини олиб борадиган бўлинмалари (гурӯҳлари) учун ўқув қўлланма, услубий тавсиялар, тарғибот материалларини (тақдимот ва видеоролик) тайёрлаш ва ёшлар етакчиларига тарқатиш.	<p>1. Зарур тарғибот материалларини тайёрлаш.</p> <p>2. Тарғибот материалларини чоп этиш ва белгиланган тартибда ҳар бир маҳалланинг ёшлар етакчиларига етказилишини таъминлаш.</p>	<p>2023 йил июль</p> <p>ҳар йил апрель ойида</p>	<p>Мудофаа вазирлиги, Ёшлар ишлари агентлиги, Ўзбекистон ёшлар иттифоқи</p>
5.	Ҳар бир вазирлик ва идора раҳбарлари, уларнинг ўринбосарлари, вилоят, туман ва шаҳар ҳокимлари, сектор раҳбарлари ҳамда олий таълим муассасаси ректорлари ўзларига бириктирилган эътиборга муҳтож ёшлар билан ишлаш тизимини такомиллаштириш	<p>1. Бириктирилган ёшлар рўйхатларига аниқлик киритиш ва уларнинг турмуш тарзини ўрганиш.</p> <p>2. Аниқланган маълумотлар асосида ёшларга кўмак бериш бўйича “йўл хариталари” ишлаб чиқиш ва ижросини таъминлаш.</p> <p>3. Бириктирилган ёшлар билан мақсадли профилактик тадбирларни амалга ошириш.</p> <p>4. Амалга оширилган ишлар юзасидан Ўзбекистон Республикаси Президенти Администрациясига ҳисобот киритиш.</p>	<p>ҳар йил январь ойида</p> <p>ҳар йил февраль ойида</p> <p>мунтазам</p> <p>ҳар чорак якуни бўйича</p>	<p>Ёшлар ишлари агентлиги, Олий таълим, фан ва инновациялар вазирлиги, ҳарбий-маъмурий секторлар раҳбарлари, манфаатдор вазирлик ва идоралар</p>
<b>II. Ёшларни ҳарбий-ватанпарварлик руҳида тарбиялаш бўйича тадбирлар</b>				
6.	Маҳаллалардаги ёшлар етакчиларининг ёшларни ҳарбий-ватанпарварлик руҳида тарбиялаш масалалари юзасидан амалий тажрибаларини ошириш чораларини	<p>1. Маҳаллалардаги ёшлар етакчиларини ёшларни ҳарбий-ватанпарварлик руҳида тарбиялашга доир кўргазмали материаллар, тарғибот роликлари ҳамда услубий қўлланмалар билан таъминлаш.</p>	<p>2023 йил август</p>	<p>Мудофаа вазирлиги, Ёшлар ишлари агентлиги</p>



Т/р	Чора-тадбир номи	Амалга ошириш механизми	Бажариш муддати	Масъул ижрочилар
	кўриш.	2. Ҳарбий округлар (гарнизон) миқёсида маҳаллалардаги ёшлар етакчилари билан ўқув-услубий семинарларни ташкил этиш ва ўтказиш.	ҳар йил камида икки мартаба	
7.	Ўзбекистон ёшлар иттифоқининг ҳарбий қисм ва муассасалардаги бошланғич ташкилоти фаолиятининг самарадорлигини ошириш.	1. Ўзбекистон ёшлар иттифоқининг ҳарбий қисм ва муассасалардаги бошланғич ташкилотларини кўргазмали материаллари, тарғибот роликлари ҳамда услубий қўлланмалар билан таъминлаш. 2. Ўзбекистон ёшлар иттифоқининг Куролли Кучлар тизимидаги бошланғич ташкилотлар етакчилари билан форумини ўтказиш. 3. “Энг илғор Ўзбекистон ёшлар иттифоқининг ҳарбий қисм ва муассасаларидаги бошланғич ташкилот фаолиятини мувофиқлаштириш бўлими бошлиғи” танловини ўтказиш ва ғолибларни муносиб тақдирлаш.	2023 йил август  ҳар йил камида икки мартаба ҳар йил август-сентябрь ойларида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Ўзбекистон ёшлар иттифоқи, манфаатдор вазирлик ва идоралар
8.	“Ватан таянчи” болалар ва ўсмирлар ҳарбий-ватанпарварлик ҳаракатининг фаолиятини самарадорлигини янада ошириш.	1. “Ватан таянчи” болалар ва ўсмирлар ҳарбий ватанпарварлик ҳаракати отрядлари аъзоларининг Форумини ташкил этиш ва ўтказиш. 2. “Ватан таянчи” болалар ва ўсмирлар ҳарбий ватанпарварлик ҳаракати отрядлари ўртасида спорт мусобақалари ва интеллектуал викториналарнинг туман, вилоят, республика босқичларини ўтказиш.	ҳар йил апрель ойида  алоҳида режага мувофиқ	Мудофаа вазирлиги, Мактабгача ва мактаб таълим вазирлиги, Ёшлар ишлари агентлиги
9.	“Жиззах тажрибаси” асосида ҳарбий қисмлар базасида профилактик ҳисобда турган ва тарбияси оғир ёшлар билан “Жасорат мактаби” номли ҳарбий-ватанпарварлик ўқув йиғинларини ташкил этиш ва ўтказиш.	1. Ўқув йиғинларини ташкил этиш ва ўтказиш тўғрисидаги ҳокимлар қарорларини ишлаб чиқиш.  2. Йиғинларга тайёргарлик кўриш ва уларни ўтказиш.	ҳар чоракда камида бир мартаба  режа асосида	Ҳарбий-маъмурий секторлар раҳбарлари
10.	Ёшларда ватанпарварлик, юрт тинчлиги ва тараққиётга дахлдорлик туйғуларини юксалтириш мақсадида “Ватан муқаддас, уни ҳимоя қилиш шарафли бурчдир!” шиори остида учрашув ва суҳбатлар ўтказиш.	1. Тадбирларнинг режа-сценарийларини ишлаб чиқиш ва тасдиқлаш. 2. Тарғибот материалларини тайёрлаш.  3. Тадбирларни ўтказиш.	2023 йил июль 2023 йил июль алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги,

Т/р	Чора-тадбир номи	Амалга ошириш механизми	Бажариш муддати	Масъул ижрочилар
				Миллий гвардия, Давлат хавфсизлик хизмати Чегара қўшинлари
11.	Маҳаллалардаги кам таъминланган ва эҳтиёжманд оилалардаги ёшларни қўллаб-қувватлаш ҳамда уларга ижтимоий ёрдам кўрсатиш мақсадида “Эзгу амал” саховат карвонларини ташкил этиш.	<ol style="list-style-type: none"> <li>1. “Эзгу амал” саховат карвонларини ўтказиш режа-жадвалини ишлаб чиқиш.</li> <li>2. Режа асосида тадбирларни амалга ошириш.</li> </ol>	<p>ҳар йил январь ойида</p> <p>алоҳида режа асосида</p>	<p>Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар сиёсати ва спорт вазирлиги</p>
12.	Ёшларни “Эр йигитнинг эр йигитга айтган гапи таъсирли бўлади!” шиори остида полигонларга ҳамда ҳарбий қисмларга ташрифларини ташкил этиш ҳамда уларга жанговар тайёргарлик машғулотлари ва кўргазмали ўқувларни намойиш этиш.	<ol style="list-style-type: none"> <li>1. Тадбирларни ўтказиш режа-жадвалини ишлаб чиқиш.</li> <li>2. Тадбирларга жалб этиладиган ёшлар рўйхатини шакллантириш.</li> <li>3. Тадбирларни ўтказиш.</li> </ol>	<p>ҳар йил январь ойида</p> <p>ҳар йил январь ойида</p> <p>алоҳида режа асосида</p>	<p>Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар ишлари агентлиги</p>
13.	Уюшмаган, тарбияси оғир ҳамда жиноят ва ҳуқуқбузарликка мойил ёшлар билан “Ҳарбий қисмда бир куним!” шиори остида алоҳида махсус дастур бўйича ҳарбий-	<ol style="list-style-type: none"> <li>1. Тадбирларни ташкил этиш режасини (ҳар бир округ, ҳарбий қисм кесимида) ишлаб чиқиш.</li> <li>2. Тадбирларга жалб этиладиган ёшларнинг ҳудудлар кесимида рўйхатини шакллантириш.</li> </ol>	<p>ҳар йил январь ойида</p> <p>ҳар йил январь ойида</p>	<p>Мудофаа вазирлиги, Ички ишлар вазирлиги, Фавқулодда</p>

Т/р	Чора-тадбир номи	Амалга ошириш механизми	Бажариш муддати	Масъул ижрочилар
	ватанпарварлик тадбирларини ташкил этиш.	3. Тадбирларни режа асосида ўтказиш.	алоҳида режа асосида	вазирлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар ишлари агентлиги
14.	Ёшлар ўртасида ҳарбийлар, Куролли Кучлар фахрийлари иштирокида ҳарбий қисмлар базасида “Миллий армиямиз чинакам мардлик, фидойилик ва ватанпарварлик мактаби” мавзусида учрашувлар ташкил этиш.	1. Тадбирларни ўтказиш режасини ишлаб чиқиш. 2. Режа асосида тадбирларни ўтказиш.	ҳар йил январь ойида алоҳида режа асосида	Мудофаа вазирлиги, Ички ишлар вазирлиги, Фавқулодда вазирлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар ишлари агентлиги, “Нуроний” жамғармаси
15.	“Ватанпарвар” ташкилотининг фаолиятига ёшларни қизиқиши ва хайрихоҳлигини ошириш мақсадида ташкилотнинг ҳудудий бўлинмаларида “Ватанпарвар” ташкилоти – менинг танловим!” шиори остида очиқ эшиклар кунини ўтказиш.	1. “Ватанпарвар” ташкилоти ҳудудий бўлинмаларида очиқ эшиклар кунини ўтказиш режа-жадвалини ишлаб чиқиш ва тасдиқлаш (мувофиқлаштириш). 2. Ташкилот фаолиятига оид тарғибот-ташвиқот тадбирларини ўтказиш.	ҳар йил январь ойида алоҳида режа асосида	“Ватанпарвар” ташкилоти, Ёшлар ишлари агентлиги, Ўзбекистон ёшлар иттифоқи
16.	Ҳудудларда ёшларни кенг жалб этган ҳолда, “Ватан муқаддас, уни ҳимоя қилиш – шарафли бурчдир!” шиори остида ҳарбий-	1. Фестивалларнинг режа-дастурларини ишлаб чиқиш. 2. Режа-дастур асосида фестивалларни ўтказиш.	ҳар йил январь ойида алоҳида режа	Мудофаа вазирлиги, Ички ишлар вазирлиги,

Т/р	Чора-тадбир номи	Амалга ошириш механизми	Бажариш муддати	Масъул ижрочилар
	<p>ватанпарварлик фестивалларини ташкил этиш.</p>		асосида	<p>Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар ишлари агентлиги</p>
<b>Ш. Ёшларни маънавий тарбиялаш бўйича тадбирлар</b>				
17.	<p>Ёшларни ҳарбий-ватанпарварлик руҳида тарбиялашда ҳарбийлаштирилган тузилмаларга эга вазирлик ва идораларнинг Фахрийлар ишлари бўйича кенгашлари фаолиятининг самарадорлигини янада ошириш.</p>	<p>1. Худудлар кесимида Фахрийлар ишлари бўйича кенгашларнинг устозлик руҳидаги “Кеча, бугун, эртага” шиори остида тадбирларни ўтказиш режа-жадвалларини тасдиқлаш ва тадбирларни ўтказиш. 2. Ёшлар, Қуролли Кучлар фахрийлари ва ҳарбий хизматчилар иштирокида “Уч авлод учрашуви”, “Эъзоз ва эҳтиром” маънавий-маърифий тадбирларини ўтказиш режа-жадвалларини тасдиқлаш ва тадбирларни ўтказиш. 3. Тадбирларни ўтказиш ва оммавий ахборот воситаларида ёритиш.</p>	<p>ҳар йил январь ойида  режа асосида  режа асосида</p>	<p>Мудофаа вазирлиги, Ички ишлар вазирлиги, Фавқулодда вазиятлар вазирлиги, Давлат хавфсизлик хизмати Чегара қўшинлари, Миллий гвардия, “Нуроний” жамғармаси</p>
18.	<p>Ёшларнинг маънавий саводхонлигини ошириш ҳамда мафкуравий иммунитетини мустаҳкамлаш мақсадида маҳаллаларда, таълим муассасаларида депутат ва сенаторлар, <b>Ўзбекистон қахрамонлари, халқ шоирлари, обрў эътиборда бўлган, жамоатчилик вакиллари</b> иштирокида маънавият соатларини ташкил этиш.</p>	<p>1. Маънавият соатларини ўтказиш режа-дастурларини ишлаб чиқиш ва конспектлар тайёрлаш. 2. Режа-дастур асосида тадбирларни ўтказиш.</p>	<p>2023 йил июль  алоҳида режа асосида</p>	<p>Республика Маънавият ва маърифат маркази, Ёзувчилар уюшмаси, Мудофаа вазирлиги, Ички ишлар вазирлиги, Миллий гвардия, Давлат хавфсизлик хизмати Чегара қўшинлари,</p>

Т/р	Чора-тадбир номи	Амалга ошириш механизми	Бажариш муддати	Масъул ижрочилар
				“Нуроний” жамғармаси
19.	Ёшлар билан ҳарбий қисм ва муассасалар маданият марказларида <b>“Ўзбекистон фарзандлари ботир бўлур”</b> шиори остида маданий тадбирларни (концерт дастурлари, ҳарбийлар билан ёшларнинг биргаликда сахна ва кўргазмали чиқишлари, ҚВЗ ўйинлари ва бошқалар) ташкил этиш.	1. Ёшлар билан маданий тадбирларни ташкил этиш бўйича режа-жадвалларни ишлаб чиқиш. 2. Тадбирларни режа асосида ташкил этиш.	2023 йил июль  ҳафтанинг жума кунлари	Мудофаа вазирлиги, Ички ишлар вазирлиги, Фавкулудда вазиятлар вазирлиги, Миллий гвардия, Давлат хавфсизлик хизмати Чегара кўшинлари, Маданият ва туризм вазирлиги
<b>IV. Ёшларни ахлоқий тарбиялаш ва уларни спортга жалб этиш бўйича тадбирлар</b>				
20.	<b>“Темурбеклар мактаби”</b> ҳарбий-академик лицейлари ўқувчилари ўртасида спорт мусобақалари, ижодий танловлар ҳамда интеллектуал викториналар каби туркум тадбирларни ташкил этиш ва ўтказиш	1. Ўқувчи-ёшлар ўртасида спорт мусобақалари, ижодий танловлар ҳамда интеллектуал викториналар каби туркум тадбирларни ташкил этиш ва ўтказиш низомларини ишлаб чиқиш ва тасдиқлаш. 2. Тадбирларни ташкил этиш ва ўтказиш. 3. Ўтказилаётган тадбирларни оммавий ахборот воситаларида ёритиш.	2023 йил сентябрь  режа асосида мунтазам равишда	Мудофаа вазирлиги, Ички ишлар вазирлиги, Фавкулудда вазиятлар вазирлиги, Давлат хавфсизлик хизмати Чегара кўшинлари, Миллий гвардия
21.	Маҳаллаларда ёшлар учун <b>“Мард аскар ёшларга намуна”</b> шиори остида ҳарбий техника ва қурол-аслаҳалар намойиши, ҳарбий хизматчиларнинг қўл жанги чиқишларини, ҳарбий оркестр ва бадиий хаваскорлик гуруҳлари иштирокида ҳамда <b>“Ватанпарвар”</b> ташкилоти ўқув курслари ва спорт секцияларининг кўргазмали намойишларини ташкил	1. Ҳарбий-ватанпарварлик карвонлари, спорт марафонлари, фестиваль ва акциялар ўтказиш режа-жадвалини ишлаб чиқиш. 2. Тадбирларни ўтказиш жойларини ва моддий-техник базасини тайёрлаш. 3. Тадбирларни ўтказиш.	ҳар йил январь ойида  режа асосида  ҳар ой камида бир мартаба	Мудофаа вазирлиги, Ички ишлар вазирлиги, Фавкулудда вазиятлар вазирлиги, Давлат хавфсизлик хизмати Чегара кўшинлари, Миллий гвардия, Ўзбекистон

Т/р	Чора-тадбир номи	Амалга ошириш механизми	Бажариш муддати	Масъул ижрочилар
	этиш.			“Ватанпарвар” ташкилоти
22.	Ёшлар ўртасида “Амир Темури издошлари”, “Жалолиддин Мангуберди ворислари” деб номланган ҳарбий-спорт мусобақаларини ташкил этиш ва ўтказиш.	<ol style="list-style-type: none"> <li>1. Туман (шаҳар) ва ҳудудлар кесимида ҳарбий-спорт мусобақалари низомини ишлаб чиқиш ва ташкилий қўмита таркибини тасдиқлаш.</li> <li>2. Ҳарбий-спорт мусобақаларини босқичма-босқич ўтказиш учун моддий-техник базасини тайёрлаш ва рўйхатларни шакллантириш.</li> <li>3. Тадбирларни ўтказиш ва ғолибларни тақдирлаш.</li> </ol>	<p>2023 йил июль</p> <p>мунтазам равишда 2023-2024 йиллар</p>	Ҳарбий-маъмурий секторлар раҳбарлари
23.	Ёшлар ўртасида соғлом турмуш тарзини тарғиб қилиш мақсадида “Соғлом ҳаёт учун!” шиори остида узоқ масофаларга юриш ва югуриш марафонларини ўтказиш.	<ol style="list-style-type: none"> <li>1. Тадбирларни ўтказиш режа-жадвалларини ишлаб чиқиш.</li> <li>2. Тадбирларни ўтказиш.</li> </ol>	<p>2023 йил июль</p> <p>ойига камида бир мартаба</p>	Ёшлар сиёсати ва спорт вазирлиги
24.	Ёшларда ватанпарварлик, юрт равнақига ҳисса қўшиш туйғуларини шакллантиришга йўналтирилган “Ватан таракқиётига менинг ҳиссам” мавзусида ёшлар билан ҳарбий психологларнинг мотивацион учрашувлари (тренинглари)ни ташкил этиш.	<ol style="list-style-type: none"> <li>1. Тадбирлар ўтказиш режасини ишлаб чиқиш.</li> <li>2. Режа асосида мотивацион учрашувлар (тренинглар) ўтказиш.</li> </ol>	<p>ҳар йил январь ойи</p> <p>алоҳида режа асосида</p>	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар ишлари агентлиги
25.	Ёшлар ўртасида тўрт босқичда (маҳалла – туман – вилоят – республика) “Шунқорлар” ҳарбий-спорт ўйинларини ўтказиш.	<ol style="list-style-type: none"> <li>1. Ёшлар ўртасида тушунтириш-тарғибот ишларини ташкил этиш ва жамоаларни шакллантириш.</li> <li>2. Ўйинларни ўтказиш ва ғолиб жамоаларни тақдирлаш.</li> </ol>	<p>ҳар йил январь ойида</p> <p>ҳар йил апрель-июнь ойларида</p>	“Ватанпарвар” ташкилоти, Ёшлар ишлари агентлиги, Ўзбекистон ёшлар иттифоқи, ҳарбий-маъмурий секторлар

Т/р	Чора-тадбир номи	Амалга ошириш механизми	Бажариш муддати	Масъул ижрочилар
26.	Маҳалла ёшлари ўртасида тўрт босқичда ( <i>маҳалла – туман – вилоят – республика</i> ) “Ватанпарварлар” ҳарбий-спорт мусобақасини ўтказиш.	1. Мусобақалар низоми, режа-дастурини ишлаб чиқиш. 2. Мусобақани ўтказиш учун моддий-техник базани тайёрлаш. 3. Мусобақаларни ўтказиш ва ғолибларни тақдирлаш.	2023 йил июль мунтазам равишда алоҳида режа асосида	Мудофаа вазирлиги, Ёшлар ишлари агентлиги, “Ватанпарвар” ташкилоти, Ёшлар иттифоқи
27.	Ёшлар орасида спортнинг техник ва амалий турларини оммалаштириш мақсадида пневматик куролдан ўқотиш, дуатлон каби спорт турлари бўйича мусобақаларни ўтказиш.	1. Мусобақалар низоми, режа-дастурини ишлаб чиқиш. 2. Мусобақаларни ўтказиш учун моддий-техник базасини тайёрлаш. 3. Мусобақаларни ўтказиш ва ғолибларни тақдирлаш.	ҳар йил январь ойида мунтазам равишда алоҳида режа асосида	“Ватанпарвар” ташкилоти, Ёшлар сиёсати ва спорт вазирлиги
28.	Таниқли ҳарбий спортчилар ва спорт усталари иштирокида ёшлар билан “Маҳорат дарслари”ни ташкил этиш.	1. “Маҳорат дарслари”ни ўтказишга жалб этиладиган ҳарбий спортчилар ва спорт усталари рўйхатини шакллантириш ва тадбирларни ўтказиш режаларни тасдиқлаш.  2. “Маҳорат дарслари”ни ўтказиш.	ҳар йил январь ойида алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар сиёсати ва спорт вазирлиги
<b>V. Ёшлар ўртасида жиноятчилик ва ҳуқуқбузарликларнинг олдини олиш, уларнинг ҳуқуқий маданиятини ва ҳуқуқий саводхонлигини ошириш бўйича профилактик тадбирлар</b>				
29.	Миллий армиямизда амалга оширилаётган ислохотларнинг мазмун-моҳиятини ёшларга тушунтириш мақсадида маҳаллаларда “Қўмондон ва ёшлар”, “Раҳбар ва ёшлар” учрашувлари ва давра суҳбатларини	1. Тадбирларни ўтказиш режа-жадвалини ишлаб чиқиш.  2. Режа-жадвал асосида тадбирларни ўтказиш.	ҳар йил апрель ойида алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Давлат хавфсизлик хизмати Чегара

Т/р	Чора-тадбир номи	Амалга ошириш механизми	Бажариш муддати	Масъул ижрочилар
	ташкил этиш.			кўшинлари, Миллий гвардия, Ёшлар ишлари агентлиги
30.	Халқаро армия ўйинлари ҳамда турли спорт мусобақалари, ҳарбий ўналишдаги кўрик-танловлар ва фан олимпиадаларида ғолиб бўлган, давлат мукофотлари билан тақдирлаган ёш ҳарбий хизматчиларнинг <b>“Ибратли тенгдошим”</b> мавзусида ёшлар билан учрашувларини ташкил этиш.	1. Энг илғор ҳарбий хизматчилардан иборат тарғибот гуруҳларини шакллантириш.  2. Тарғибот гуруҳлари томонидан маҳаллалардаги ёшлар билан учрашувларини ташкил этиш.	2023 йил июль  алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара кўшинлари
31.	Умумтаълим мактаблари ҳамда касб-хунар таълим муассасаларида 4 та сектор раҳбарлари томонидан <b>“Ҳоким соати”</b> , <b>“Прокурор сабоғи”</b> , <b>“Ҳуқуқий тарбия соати”</b> , <b>“Солиқ сабоғи”</b> машғулотлари ўтказилишини ташкил этиш.	1. Худудлар кесимида сектор раҳбарлари томонидан таълим муассасаларида машғулотлар ўтказиш режа-жадвалини ишлаб чиқиш ва тасдиқлаш. 2. Тадбирларни амалга ошириш.	ҳар йил январь ойида  алоҳида режа асосида	Ҳарбий-маъмурий секторлар, Ички ишлар вазирлиги, Миллий гвардия, Адлия вазирлиги, Ёшлар ишлари агентлиги, Ўзбекистон ёшлар иттифоқи
32.	Умумтаълим мактаблари битирувчилари билан <b>“Офицерлик мардлар касби!”</b> шиори остида олий ҳарбий таълим муассасаларига йўналтирилган тарғибот тадбирларини ташкил этиш.	1. Тадбирларнинг режа-жадвалларини ишлаб чиқиш ва тасдиқлаш. 2. Тарғибот материалларини тайёрлаш.  3. Тадбирларни ўтказиш.	ҳар йил январь ойида мунтазам равишда алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати



Т/р	Чора-тадбир номи	Амалга ошириш механизми	Бажариш муддати	Масъул ижрочилар
33.	Ёшларга тинчлик ва хавфсизликни таъминлаш, ёт ғоялар, жиноятчиликка қарши курашишни ҳамда соғлом турмуш тарзини кенг тарғиб этувчи бадиий ва хужжатли фильмлар намойиш этиш ва уларнинг муҳокамасини ўтказиш.	1. Бадиий ва хужжатли фильмлар рўйхатини шакллантириш. 2. Ҳарбий қисмларга ташриф буюрган ёшлар учун фильмлар намойишини ташкил этиш.	2023 йил июль  алоҳида режа асосида	Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия, Давлат хавфсизлик хизмати Чегара қўшинлари, Ёшлар сиёсати ва спорт вазирлиги, Кинематография агентлиги
<b>VI. Ёшларни ҳарбий-ватанпарварлик руҳида тарбиялаш ишлари таҳлили</b>				
34.	Ёшларни ҳарбий-ватанпарварлик руҳида тарбиялаш концепциясини амалга ошириш бўйича “Йўл харитаси” ижросининг тизимли мониторингини юритиш.	1. “Йўл харитаси”да белгиланган тадбирлар ўз вақтида ижро этилишини тизимли мониторинг қилиб бориш. 3. Мониторинг натижалари бўйича Ўзбекистон Республикаси Президенти ҳузуридаги Ҳавфсизлик кенгашига ҳисобот киритиб бориш.	хар чоракда	Мудофаа вазирлиги
35.	Республика ва маҳаллий оммавий ахборот воситалари орқали ёшларни ҳарбий-ватанпарварлик руҳида тарбиялаш бўйича олиб борилаётган ишларни ёритиш.	1. Ёшларни ҳарбий-ватанпарварлик руҳида тарбиялаш бўйича ўтказилаётган тадбирлар юзасидан ахборот материалларини тайёрлаш. 2. Тайёрланган материалларни оммавий ахборот воситалари, республика ва маҳаллий телевидение каналлари, шунингдек, интернет тармоқларида ёритиш (эълон қилиш).	мунтазам равишда	Мудофаа вазирлиги, Ўзбекистон миллий телерадиокомпанияси
36.	Ёшларни ҳарбий-ватанпарварлик руҳида тарбиялаш ишларининг натижадорлигини таҳлил қилиш.	1. Ёшлар фикрларни ўрганишга қаратилган ҳудудлар кесимида тадқиқотлар ўтказиш. 2. Тадқиқотлар натижасига мувофиқ дастурларга қўшимчалар киритиш.	хар чоракда  хар йил 5 январь	Мудофаа вазирлиги

Вазирлар Маҳкамасининг  
2023 йил “29” ИЮНдаги 267- сон қарорига  
3-илова

**Ўзбекистон Республикаси Ҳукуматининг ўз кучини йўқотган  
деб эътироф этилаётган қарорлари  
РЎЙХАТИ**

1. Вазирлар Маҳкамасининг “Ёшларни ҳарбий-ватанпарварлик руҳида тарбиялаш концепциясини тасдиқлаш тўғрисида” 2018 йил 23 февралдаги 140-сон қарори.

2. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар ва қўшимча киритиш тўғрисида” 2020 йил 23 мартдаги 179-сон қарорига илованинг 9-банди.

3. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар ва қўшимча киритиш тўғрисида” 2021 йил 20 майдаги 320-сон қарорига 1-илованинг 12-банди.

4. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар киритиш тўғрисида” 2022 йил 4 апрелдаги 153-сон қарорига илованинг 480-банди.

